

**O‘zbekiston Respublikasi Tashqi iqtisodiy faoliyat Milliy banki AJ**  
**Navoiy viloyat Bosh boshqarmasida o‘tkazilgan yig‘ilish bayoni**

---

2026 yil 07 aprel

Navoiy shahri

**Raislik kiluvchi:** **Z.I.Adizov** - “O‘zmilliybank” AJ Navoiy viloyat  
Bosh boshqarmasi boshlig‘i v.b.

**Qatnashdilar:** “O‘zmilliybank” AJ Navoiy viloyat Bosh  
boshqarmasi, Navoiy Amaliyot BXM, “Yoshlik” va  
“X.Do‘stligi” BXO rahbarlari hamda xodimlar (ro‘yxat  
asosida). Qatnashchilar soni 127 nafar.

**K U N T A R T I B I:**

1. “O‘zmilliybank” AJ tarkibiy bo‘linmalarida korrupsiyaviy xavf-xatarlarni baholash bo‘yicha uslubiy qo‘llanmasi;
2. “O‘zmilliybank” AJ tarkibiy bo‘linmalarida manfaatlar to‘qnashuvini boshqarish bo‘yicha Nizom;
3. “O‘zmilliybank AJ tizimida korrupsiyaga oid huquqbuzarliklar haqida bergan yoki korrupsiyaga qarshi kurashishga boshqa tarzda ko‘maklashgan xodimlarning xavfsizligi kafolatlari va rag‘batlantirish tartibi to‘g‘risida”gi Nizom;

---

(Z.I.Adizov, F.I.Xolov, M.M.Xakimov)

Kun tartibidagi masala yuzasidan “O‘zmilliybank” AJ Navoiy viloyati Bosh boshqarmasi boshlig‘i v.b. Z.I.Adizov so‘zga chiqib, bugungi kunda Korrupsiya dunyo miqyosida hal etilishi lozim bo‘lgan global muammolardan biri bo‘lib qolmoqda. Ushbu illat har qanday davlat va jamiyatning siyosiy-iqtisodiy rivojlanishiga jiddiy zarar yetkazib, inson huquq va erkinliklarining paymol bo‘lishiga olib keladi. Shu bois, unga qarshi kurashish muhim ahamiyat kasb etishini aytib, O‘zbekiston Respublikasi Prezidentining 03.01.2017 yildagi “Korrupsiyaga qarshi kurashish” to‘g‘risidagi Qonuni talablarini tushuntirib, korrupsiyaga qarshi kurashda korrupsion holatlarni barvaqt aniqlash, oldini olish ularni sabab shart-sharoitlarini oldini olish, bartaraf etish manfaatlar to‘qnashuviga yo‘l qo‘ymaslik, hamda korrupsiyaga nisbatan murosasiz munosabatlarini shakllantirishga asosiy etiborni qaratilishi lozimligini aytib, korrupsiya-o‘ziga tamagirlikni qamrab olgan holda jamiyatning ma‘naviy ustunlari hamda demokratiyani yemirib, mamlakatning iqtisodiy-ijtimoiy va siyosiy taraqqiy etishi uchun ulkan xavf ekanligi aytib o‘tdi.


Kun tartibidagi ikkinchi masala yuzasidan Xavfsizlik, rejim va axborotni himoyalash bo‘limi boshlig‘i F.I.Xolov so‘zini davom ettirib, “O‘zmilliybank” AJ Axborot va bank xavfsizligi departamentining 23.02.2026 yildagi №19/34-sonli ko‘rsatmasi talablari bilan xodimlarni tanishtirib, bugungi kunda axborot

texnologiyalarining jadal rivojlanishi bilan bir qatorda foydalanuvchilarning ma'lumotlarini o'g'irlashga qaratilgan zararli dasturlar (viruslar) soni ham keskin ortib borishi oqibatida kelgusida jiddiy salbiy oqibatlarga, jumladan ma'lumotlarning ommaviy oshkor bo'lishi, ish faoliyatining izdan chiqishi va moliyaviy yuqotishlarga olib kelishini oldini olish maqsadida qisqa muddat ichida qo'yidagi vazifalar amalga oshirishini, ya'ni, kompyuter va barcha tizimlarga kirish parollarini murakkab ko'rinishdagi parollarga almashtirish, standart parollardan foydalanmaslik, har qanday kirish parollarini kompyuter ish stolida saqlamaslik, jfaqtgina bank faoliyatiga tegishli bo'lgan litsenziyalangan dasturiy ta'minotlardan foydalanish, korporativ pochta manziliga kelgan barcha yangi xabarlarda keltirilgan veb manzillari fishing emasligi aniq bo'lmaganicha ochib yubormaslik (holat sodir bo'lsa Xavfsizlik, rejim va axborotni himoyalash bo'limiga) xabar berish, ish faoliyatiga bog'liq bo'lmagan fayllarni ish kompyuterlarida saqlamaslik, veb-brauzerlardagi sokeysda saqlanayotgan tizimlarga kirish parollarini o'chirish va zudlik bilan yangilash choralari ko'rish hamda almashtirilgan parollar avtomatik tarzda saqlanishiga yo'l qo'ymaslik, mas'ul xodimlar tomonidan barcha ishchi kompyuterlarga antivirus dasturi o'rnatilishi va oxirgi talqiniga yangilash ishlarini to'liq yakuniga yetkazish lozimligini aytib o'tdi.

Davlatimiz rahbari ko'plab ma'ruza va chiqishlarida loqaydlik, beparvolik, poraxo'rlik, korrupsiya, soxtakorlik, mansab vakolatini suiste'mol qilishga qarshi kurash butun jamiyatning maqsadiga aylanishi kerakligi to'g'risida aytib, korrupsiya - shunday illatki, uni bir yoki ikki departament, tuzilma sa'y-harakati bilan yo'q qilib bo'lmaydi. Qachonki, barcha xodimlarimiz, jamoa bo'lib unga qarshi birgalikda kurashib, uning ildizlarini yo'q qilishga kirishilsagina ijobiy natijaga erishish mumkinligini aytib, xodimlarning huquqiy ongi va huquqiy madaniyatini yanada oshirish, bankda korrupsiyaga nisbatan murosasiz munosabatga erishish, korrupsiyaga qarshi murosasiz kurash olib borilayotgan hozirgi davrda mansabdor shaxslarning huquqiy bilimi va madaniyati darajasiga nisbatan alohida talablar ishlab chiqish, qonunlarga hurmatsizlik qilgan mansabdor shaxslarga nisbatan qat'iy choralar ko'rish, to'g'ri va adolatli qarorlar qabul qilinsa, fuqarolarning buzilgan huquqlari tiklansa, ijtimoiy himoya kuchaytirilsa, xalqning jamiyatda adolat, haqiqat borligiga ishonchi ortadi. Uning aksi bo'lsa, odamlar orasida norozilik va hukumatga nisbatan ishonchsizlik yuzaga kelishini aytib o'tdi.

Bundan tashqari majlisda bank rahbari o'rinbosarlari, bo'lim va sektorlar raxbarlari so'zga chiqib, kun tartibidagi mavzu yuzasidan o'z fikr-mulohazalarini bildirib, zaruriy chora-tadbirlarni amalga oshirishini ta'kidladilar.

**Xavfsizlik, rejim va axborotni  
himoyalash bo'limi boshlig'i**

 **F.I.Xolov**

**Korrupsiyani oldini olish va muvofiqlashtirish  
bo'limi bosh mutaxassisi**



**M.M.Hakimov**



07.04.2026 куни Ўзмилийбанк АЖ  
Навоий Вилоят Бош бошқармаси ва  
Навоий амалиёт БХМ ходимлари билан  
ўтказилган йиғилиш жараёни

